

**ZAPISNIK SA 33. SJEDNICE UO SAMOSTALNOG SINDIKATA RADNIKA U BHRT-u,  
KOJA JE ODRŽANA U UTORAK 27.07.2017.GODINE**

**Prisutni:** D. Smital; E. Čengić; Dž. Kahrica; N. Žuga; G. Brkić; N. Hodžić; B.Hamzagić; M. Grbo; A.Džidić; M. Baručija; N. Čordalija; E. Fočo; N. Arnautović;

**Odsutni:** M. K. Pašalić; - **opravdano**; O. Bukić; S.Topalić; - **neopravdano**

Dnevni red:

1. Zapisnik sa 32. sjednice
2. Aktualna situacija u BHRT-u
3. Finansije
4. Izvještaj i specifikacija BSO za juni 2017/ N. Žuga
5. Dodjela pomoći
6. Razno

**AD 1.** D.Smital je na osnovu člana 35. Statuta Samostalnog sindikata radnika u BHRT-u, otvorio 33. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 32. redovne sjednice je jednoglasno usvojen.

**AD 2.** Rukovodstvo sindikata je izvjestilo UO da je održan sastanak sa generalnim direktorom gospodinom Belminom Karamehmedovićem u ponedjeljak 24.07.2017.godine na kojem je sindikat obavješten da je potpisan ugovor sa Elektroprivredom o prikupljanju RTV takse putem računa za el. energiju. Prema informaciji koju je dobilo rukovodstvo sindikata, sva sredstva će biti uplaćena na račun Federalne televizije s tim da će trajnim nalogom automatski dio sredstava predviđen zakonom biti prebačen na račun BHRT-a. Ovaj način prikupljanja sredstava počinje od septembra mjeseca. Sindikat je postavio pitanje na koji način menadžment misli kako će radnici preživjeti do kraja augusta obzirom da već kasni i topli obrok i plata a knjižice se ne mogu ovjeriti. Generalni direktor je na sastanku sa rukovodstvom sindikata istakao da će sva sredstva prije i poslije stupanja na snagu ugovora sa Elektroprivredom biti usmjerena za izmirenja potraživanja radnika. Sindikat je uputio zahtjev da se do kraja sedmice pronađu sredstva za topli obrok i uplati dio duga zdravstvenom osiguranju kako bi se radnici mogli liječiti. Nakon sastanka sa generalnim direktorom, rukovodstvo sindikata je uputilo dopis/reakciju UO BHRT-a u kojem je između ostalog istaknuto da je sindikat već mjesecima upozoravao da se može desiti ovakva situacija i da po tom pitanju nije ništa učinjeno. Naglašeno je da će sindikat stati iza svakog člana koji ne bude više htio džaba raditi. svjesni činjenice da ne postoji trenutna zakonska mogućnost štrajka i da svaki radnik koji odbije posao, preuzima rizik gubitka radnog mjesta ali da je dosta i toga da jedino radnici BHRT-a rade po zakonu dok drugi i u BHRT-u, a pogotovo u entitetskim Javnim servisima rade suprotno zakonu. Sindikat je u ovom dopisu naglasio da radnici žele da rade i da za svoj rad dobiju pošteno zarađenu platu.

U srijedu 26.07.2017. godine na kratkom sastanku sa generalnim direktorom, rukovodstvo sindikata je dobilo informaciju da će topli obrok biti isplaćen do kraja sedmice, da će sva sredstva koja dolaze na račun BHRT-a biti upućena za potraživanja radnika, kao i da će se uplate nakanda radnicima vršiti redosljedom prispjeća

26.07.2017.godine sindikat je dobio odgovor predsjedavajuće UO BHRT-a g-đe Dejana Radovanović Šarenac u kojem između ostalog stoji da će UO BHRT-a sa menadžmentom uz puno lično i profesionalno zalaganje, nastaviti bitku za finansijsku konsolidaciju BHRT-a, optimalnu i efikasnu unutrašnju organizaciju preuzimajući odgovornost za sve aktivnosti iz djelokruga nadležnosti koje im po zakonu pripadaju.

Upravni odbor BHRT-a je u svom odgovoru insinuirao da podrška Sindikata svakom radniku koji ne želi više džaba raditi, zvuči kao najava svjesne i smišljene opstrukcije tek potpisanog

ugovora sa EP BiH, kao i da ovaj Sindikat poziva na bezakonje i anarhiju. U odgovoru UO BHRT-a se takođe ističe da je najmanje što se od svakog radnika BHRT-a može očekivati jeste da profesionalno i odgovorno obavlja svoje dužnosti i zadatke za šta su i do sada uprkos katastrofalnoj finansijskoj situaciji i urušenom profesionalnom rejtingu Javnog medijskog servisa BiH, dobijali plate u punom iznosu.

D.Smital je iznio prijedlog reakcije UO Sindikata koji je jednoglasno usvojen.

A.Džidić je predložio da se menadžmentu uputi sugestija da se reduciraju poslovi na terenu dok se ne stabilizuje situacija u firmi, jer kako je istakao sve češće se javljaju vanredni poslovi pa ekipe rade u otežanim uslovima i prekovremeno prije svega zbog nedostatka snimatelja. Ovaj prijedlog A.Džidića je usvojen, pa će se na prvom narednom sastanku sa generalnim direktorom razgovarati na ovu temu.

E.Čengiđ je informisao UO da je na osnovu zaključka sa posljednje sjednice sindikata, upućen dopis generalnom direktoru o problemu klime u ITC Banja Luka, nakon čega je menadžment izdvojio sredstva za dva razladna uređaja za IT Centar.

Rukovodstvo sindikata je uputilo dopis generalnom direktoru u vezi velikih vrućina za vrijeme realizacije prijenosa dženaze u Srebrenici kako bi se redukovale dispozicije za ljude koji su izloženi vrućinama (snimatelji, tonci, tehničari...). Molba sindikata je ispoštovana. Delegacija sindikata se nije sastala sa upravom Eko sela u vezi ugovora o saradnji zbog aktuelne situacije sa platom i potraživanjima radnika.

Sindikat je dobio od BHRT-a prijedlog Odluke o minimumu procesa rada u slučaju štrajka, koja će, ukoliko je UO SSR BHRT-a prihvati, biti dostavljena Vijeću ministara na odlučivanje. Također, BHRT je dostavio Sindikatu Sporazum o minimumu procesa rada u slučaju štrajka, kojim se preciznije definišu odredbe Odluke koji bi trebao potpisati Sindikat sa BHRT-om. D.Smital je na zahtjev A. Džidića, predložio da se ovaj prijedlog uputi svim članovima UO sindikata u elektronskoj formi kako bi se informisale sve podružnice i na sjednici UO u septembru donijeli odluku o ovim prijedlozima BHRT-a. Ovaj prijedlog je jednoglasno usvojen.

**AD 3** Izvještaj o finansijskom poslovanju sindikata za juni 2017. primljen je k znanju.

**AD 4** Izvještaj o poslovanju sa BSO osiguranjem za mjesec juni 2017 je primljen k znanju.

**AD 5.** Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobiju sljedeći članovi; Rankica Jagličić 200 KM III dio (3x200 KM), Ramiz Čustović 100 KM, Adis Kršo 100 KM, Sabina Srna 150 KM, Damir Radović 100 KM, Selima Sirbubalo 100 KM, Branislav Krneta 350 KM.

Poklon bon za rođenje djeteta u iznosu po 200 KM dobio je Amir Karaman.

Na osnovu člana 7. Pravilnika o dodjeli finansijske pomoći članovima sindikata, komisija je predložila pomoć za Mirzu Pavlovića 400KM.

Sve ukupno 1500 KM.

Prijedlog komisije za dodjelu finansijske pomoći jednoglasno je usvojen.

**AD 6.** E.Čengiđ je informisao UO da je rukovodstvo sindikata postavilo upit menadžmentu u vezi parkinga za radnike BHRT-a s obzirom na nesigurnost vozila na parking. Generalni direktor je dao usmenu saglasnost da Sindikat napravi okvirno finansijski proračun koliko bi sredstava koštalo da se na parking postavi rampa sa čuvarom. UO Sindikata je zadužio N.Čordaliju, Dž.Kahricu i E.Čengića za ovaj projekat.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengiđ

Predsjednik  
SAMOSTALNOG SINDIKATA  
RADNIKA U BHRT-u  
Damir Smital